

CONVENIO DE COLABORACIÓN ENTRE A UNIVERSIDADE DE SANTIAGO DE COMPOSTELA, A UNIVERSIDADE DE VIGO, A UNIVERSIDADE DA CORUÑA E O INSTITUTO GALEGO DE ESTATÍSTICA PARA A REALIZACIÓN DE PRÁCTICAS ACADÉMICAS EXTERNAS CURRICULARES OU EXTRACURRICULARES DE ALUMNOS/AS DO MASTER UNIVERSITARIO EN ECONOMÍA

REUNIDOS

Dunha parte, D. Antonio López Díaz, reitor magnífico da **Universidade de Santiago de Compostela**, con CIF: Q1518001A que actúa en nome e representación dela en virtude do Decreto 57/2018, de 31 de maio, publicado no Diario Oficial de Galicia nº 106, de 5 de xuño de 2018, do seu nomeamento, e polas facultades conferidas pola Lei Orgánica 6/2001, de 21 de decembro, de Universidades e o Decreto 14/2014, de 30 de xaneiro, polo que se aproban os estatutos da Universidade de Santiago de Compostela.

Doutra parte, D. Julio Ernesto Abalde Alonso, reitor magnífico da **Universidade da Coruña**, con CIF: Q6550005-J, en nome e representación dela e en virtude do nomeamento efectuado segundo o Decreto 5/2020, de 9 de xaneiro (DOG nº 7, do 13 de xaneiro de 2020), no exercicio das competencias que lle outorga o artigo 20 da Ley Orgánica de Universidades 6/2001, de 21 de decembro, modificada pola Lei Orgánica 4/2007, de 12 de abril, e no artigo 36.1.f) dos Estatutos desta universidade aprobados polo Decreto 101/2004, de 13 de maio, da Xunta de Galicia (DOG de 26 de maio) e modificados polo Decreto 194/2007, de 11 de outubro, (DOG de 17 de outubro).

Doutra parte, D. Manuel Joaquín Reigosa Roger, Reitor Magnífico da **Universidade de Vigo**, con CIF Q8650002B, nomeado segundo o Decreto da Comunidade Autónoma de Galicia 59/2018, de 31 de maio, publicado no Diario Oficial de Galicia (DOG) nº 109, do 8 de xuño de 2018, de acordo coas competencias que lle outorga o artigo 20 da Lei Orgánica 6/2001, do 21 de decembro, de Universidades, e o artigo 29 dos Estatutos da Universidade de Vigo, aprobados polo Decreto 13/2019, do 24 de xaneiro, e publicados no DOG nº 38, do 22 de febreiro de 2019. Con enderezo en Edificio Exeria, campus universitario, 36310 Vigo.

Doutra parte, D. José Antonio Campo Andiñ, Director do **Instituto Galego de Estatística** (en adiante, IGE), con CIF: S6500005A, actuando en nome e representación del, con capacidade suficiente para formalizar o presente convenio, en virtude do disposto no artigo 41.1 da Lei 9/1988, do 19 de xullo, de estatística de Galicia e no artigo 15.2 n) do Decreto 60/2016, do 26 de maio, polo que se aproba o Estatuto do organismo autónomo IGE.

Todos eles en virtude de poderes suficientes ou capacidades , que manifestan non lle foron modificados nin revogados, para comparecer neste acto e vincularse.

Todas as partes recoñécense plena capacidade e lexitimación bastante para a formalización do presente convenio e aos efectos

EXPOÑEN

Primeiro.- A adecuación dos programas educativos ás necesidades do mundo empresarial constitúe unha das preocupacións das universidades galegas.

Segundo.- O complemento que para a formación do/a alumno/a supón o coñecemento da realidade empresarial no ámbito das ensinanzas teóricas impartidas é un dos obxectivos que as universidades do SUG consideran de maior importancia.

Terceiro.- Todas as partes consideran necesario un maior acercamento entre o ámbito empresarial e as universidades, co obxecto de facilitar a futura inserción laboral dos universitarios mediante a alternancia da súa formación teórica con prácticas de empresa, acadando, ao mesmo tempo, a mellor cualificación e futura adaptación aos postos de traballo demandados polas empresas.

Cuarto.- O IGE, como organismo da Administración Autonómica con competencias en materia de estatística, ten interese en colaborar na formación do alumnado das universidades públicas galegas.

Quinto.- Todo isto evidencia a necesidade dun convenio que enmarque a cooperación educativa entre os asinantes e delimite as garantías recíprocas dos/as alumnos/as e do IGE no desenvolvemento do período de prácticas.

En consecuencia, acordan formalizar o presente Convenio de Colaboración a teor das seguintes

CLÁUSULAS

PRIMEIRA.- OBXECTO

O obxecto do presente convenio é establecer as pautas e mecanismos de colaboración entre as partes, para levar a cabo un programa adecuado cara á realización de prácticas académicas dos alumnos/as nas instalacións de IGE, así como o desenvolvemento e a verificación das prácticas.

SEGUNDA.- OBRIGAS DO IGE

O IGE aportará persoas expertas para aquela parte da docencia teórico-práctica especializada que fora precisa.

O IGE acollerá a 1 alumno/a por cada convocatoria que faga a Comisión Académica do Máster.

O IGE nomeará un/ha titor/a que se encargará do seguimento das prácticas, supervisará a súa realización e emitirá un informe final sobre o seu contido e avaliación.

No caso de que a avaliación da memoria e o informe de actuación do alumno sexan favorables, o IGE emitirlle a cada persoa que participase con regularidade nas prácticas

unha certificación, na que deben constar o tempo de colaboración e as actividades, traballos, investigacións, etc. realizados.

A certificación deberá especificar que carecerá de efectos académicos e que, para estes efectos, quedará supeditada á avaliación que realicen as universidades asinantes das prácticas.

TERCEIRA.- OBRIGAS DAS UNIVERSIDADES

A distribución de alumnos/as e a súa selección serán competencias das Universidades, así como a organización do apoio teórico e práctico para o desenvolvemento das prácticas.

As universidades comunicarán ao IGE cunha antelación mínima de 15 días a persoa seleccionada que realizará as prácticas

A avaliación das prácticas será realizada polas universidades a través das persoas que designen como titores/as, tendo en conta a memoria elaborada polo alumno/a e o informe de prácticas do/a titor/a do IGE.

CUARTA.- RESOLUCIÓN DO CONVENIO

Serán causa de resolución do convenio:

- a) O mutuo acordo das partes.
- b) O incumprimento das obrigacións das partes que se establezan nas súas cláusulas, previa reunión da Comisión de Seguimento e Interpretación.

QUINTA.- COMISIÓN DE SEGUIMIENTO E INTERPRETACIÓN

Créase unha Comisión de Seguimento e Interpretación do presente convenio, integrada por parte das universidades asinantes polo Coordinador do Máster, ou persoa na que delegue, e por parte do IGE pola persoa que este designe.

A Comisión de Seguimento terá as seguintes competencias con relación ás prácticas tuteladas:

1. Resolver os problemas que suscite a súa execución.
2. Interpretar e resolver de forma amigable, con carácter xeral, as estipulacións deste convenio, así como controlar o seu cumprimento e resolver os conflitos entre partes.
3. Tomar medidas en relación coas incidencias que xurdan na realización das prácticas, incluída a expulsión de alumnos/as que non cumpran as cláusulas do convenio.

A comisión reunirse cando así o considere necesario calquera das partes.

SEXTA.- NORMAS DE APLICACIÓN SUPLETORIAS

O presente convenio de colaboración queda excluído do ámbito de aplicación da Lei 9/2017, do 8 de novembro, de contratos do sector público e seralle de aplicación a Lei 40/2015, do 1 de outubro, de réxime xurídico do sector público.

Ao presente convenio seralle aplicable subsidiariamente a seguinte normativa:

- I. Real Decreto 1393/2007, do 29 de outubro, polo que se establece a ordenación das ensinanzas universitarias
- II. Normativa de prácticas académicas externas das universidades asinantes
- III. Normativa do plan de estudos da titulación
- IV. Real Decreto 592/2014, do 11 xullo, polo que se regulan as prácticas académicas dos/as estudantes universitarios/as

SÉTIMA.- DURACIÓN

O Convenio terá efectos desde a súa sinatura, a súa duración será de catro anos e poderá prorrogarse a través da sinatura da correspondente addenda cunha duración máxima de catro anos, en tanto non se denuncie expresamente como mínimo cun ano de antelación.

No caso de que rematado o prazo de vixencia estivese algún/ha estudante realizando prácticas, poderá continuar ata o remate das mesmas.

OITAVA.- RÉXIME XURÍDICO DA REALIZACIÓN DAS PRÁCTICAS

As prácticas académicas externas levaranse a cabo de acordo coas seguintes normas:

a) Destinatarios

Poderán participar nas prácticas os/as alumnos/as do Máster Universitario en Economía.

b) Período

O tempo de realización de prácticas tuteladas por parte dos/as alumnos/as será o número de horas recollido no plan de estudo correspondente, que non poderá ser superior ás 750 horas.

c) Número de prazas

Para realizar as prácticas, o IGE acollerá 1 alumno/a por cada convocatorias que faga a Comisión Académica do Máster.

d) Tutores/as das prácticas

O IGE e as universidades, respectivamente, designarán tutores/as que se encargarán do seguimento das prácticas, supervisarán a súa realización e emitirán un informe final sobre o seu contido e avaliación.

Deste xeito, o IGE e o/a coordinador/a do Máster, deberán asinar un documento no que figuren perfectamente detallados cal será a tarefa do/a alumno/a e o período exacto do traballo, así como un apartado para un informe breve de ambos/as tutores/as, onde se indique cal foi o nivel de aproveitamento do/a alumno/a e a súa apreciación sobre a capacidade do/a mesmo/a.

e) Dereitos e obrigas do/a titor/a do IGE

O/A titor/a do IGE terá os seguintes dereitos:

1. O recoñecemento da súa actividade colaboradora por parte da universidade, en forma de certificado de docencia, de ser requirido polo/a interesado/a.
2. A ser informado/a acerca da normativa que regula as prácticas externas, así como do Proxecto Formativo (Guía docente da materia) e das condicións do seu desenvolvemento.
3. A ter acceso á Universidade para obter a información e o apoio necesarios para o cumprimento dos fines propios da súa función.

Tamén terá os seguintes deberes:

1. Acolle ao/á estudante e organiza a actividade a desenvolver de acordo co establecido no Proxecto Formativo.
2. Supervisar as súas actividades, orientar e controlar o desenvolvemento da práctica, cunha relación baseada no respecto mutuo e no compromiso coa aprendizaxe.
3. Informar ao/á estudante da organización e funcionamento do IGE, e da normativa de interese, especialmente a relativa á seguridade e riscos laborais.
4. Coordinar co/a titor/a académico/a da universidade o desenvolvemento das actividades establecidas, incluíndo aquelas modificacións do plan formativo que poidan ser necesarias para o normal desenvolvemento da práctica, así como a comunicación e resolución das posibles incidencias que puideran xurdir no desenvolvemento da mesma e o control de permisos para a realización de exames.
5. Emitir os informes intermedio e final.
6. Proporcionar a formación complementaria que precise o/a estudante para a realización das prácticas.
7. Proporcionar ao/á estudante os medios materiais indispensables para o desenvolvemento da práctica.
8. Facilitar e estimular a aportación de propostas de innovación, mellora e emprendemento por parte do/a estudante.
9. Facilitar ao/á titor/a académico/a da universidade o acceso ao IGE para o cumprimento dos fins propios da súa función.
10. Gardar confidencialidade en relación con calquera información que coñeza do/a estudante como consecuencia da súa actividade como titor/a.
11. Prestar axuda e asistencia ao/á estudante durante a súa estadía no IGE, para a resolución daquelas cuestións de carácter profesional que poida necesitar no desempeño das actividades que realiza durante a mesma.

f) Contido das prácticas

O contido específico das prácticas, que se amosa no Proxecto Formativo do Anexo I deste convenio, tratará de proporcionar ao/á alumno/a a máxima experiencia e os coñecementos máis completos que aseguren a relación directa das competencias a adquirir cos estudos cursados.

g) Memoria das prácticas

Ao rematar o período de prácticas, cada alumno/a deberá realizar unha memoria final sobre o traballo desenvolvido.

h) Efectos

A realización das prácticas tuteladas polos/as alumnos/as poderá supoñer o recoñecemento de créditos prácticos necesarios para a obtención dos títulos correspondentes, segundo a convocatoria específica de cada curso.

i) Relación co IGE

Os/as alumnos/as en prácticas non terán, en ningún caso, vinculación laboral co IGE, aprendizaxe, tempo parcial, ou calquera outra modalidade existente.

Os/as alumnos/as en prácticas non poderán realizar tarefas de responsabilidade no IGE, nin (polo menos en solitario) aquelas exclusivas do persoal do organismo, estando sempre e en todo caso orientadas as prácticas a unha aprendizaxe práctica titorizada.

O IGE non poderá cubrir, nin sequera con carácter eventual ou interino, ningún posto de traballo co/a alumno/a en prácticas, agás que formalice co el/a un contrato de traballo, suposto no que cesará na realización das prácticas, debendo comunicarse este feito á Comisión de Seguimento e Interpretación do convenio.

k) Seguridade do alumno e responsabilidade civil

Os riscos de enfermidade ou accidente estarán cubertos polo correspondente seguro escolar para os/as alumnos/as menores de vinte e oito anos, ou se é o caso, polo réxime xeral da seguridade social de se tratar de alumnos/as incluídos/as no ámbito de aplicación do Real Decreto 1493/2011, do 24 de outubro (BOE nº 259, do 27 de outubro). A cobertura para os/as estudantes maiores de vinte e oito anos rexerase polo establecido para o efecto en cada universidade.

A cobertura dos riscos derivados da responsabilidade civil do/a alumno/a que realiza prácticas tuteladas no IGE, queda garantida polas universidades do SUG.

NOVENA.- PROTECCIÓN DE DATOS

As partes comprométese a cumprir o establecido no *Regulamento (UE) 2016/679 do Parlamento Europeo e do Consello, de 27 de abril de 2016, relativo á protección de datos das persoas físicas no que respecta ao tratamento de datos persoais e á libre circulación destes datos e polo que se derroga a Directiva 95/46/CE (Regulamento xeral de protección de datos)*, así como na *Lei orgánica 3/2018, de 5 de decembro, de protección de datos persoais e garantía dos dereitos dixitais* e no resto da lexislación española aplicable nesta materia.

O/a estudante en prácticas que por razón das actividades formativas teña acceso, en calquera fase do tratamento, a datos de carácter persoal non revelará a persoa allea ao IGE información da que tivera coñecemento, nin utilizará ou disporá dela dun xeito ou

con finalidade distinta á esixida polas accións formativas, obriga que subsistirá aínda logo de rematadas as mesmas, respondendo en caso de incumprimento do deber de segredo fronte ao IGE, sen prexuízo das responsabilidades que por igual causa puideran derivarse ante a Axencia Española de Protección de Datos.

A tal efecto o/a estudante poderá asinar co IGE un documento no que se obrigue a cumprir o deber de segredo antes citado.

O IGE autoriza á Universidade de Santiago de Compostela, á Universidade de Vigo e á Universidade da Coruña, a facer uso do seu logotipo exclusivamente para as accións obxecto deste convenio.

DÉCIMA.- XURISDICIÓN

As partes comprométense a resolver amigablemente as diferenzas que puideran xurdir a través da Comisión de Seguimento e Interpretación.

No entanto, recoñécese a xurisdición contencioso-administrativa como competente na materia, dada a natureza pública de ambos organismos.

En Santiago de Compostela, 11 de febreiro de 2020

Pola Universidade de Santiago
de Compostela

Pola Universidade de Vigo

D. Antonio López Díaz
Reitor da USC

D. Manuel Joaquín Reigosa Roger
Reitor da UVIGO

Pola Universidade da Coruña

Polo IGE

D. Julio Ernesto Abalde Alonso
Reitor da UDC

D. José Antonio Campo Andión
Director do IGE

ANEXO 1.- PROXECTO FORMATIVO: GUÍA DA MATERIA

Prácticas Externas

Créditos	6 ECTS
Ubicación	Primeiro curso, segundo semestre
Competencias Básicas	• CB1 – Posuír e comprender coñecementos que aporten unha base ou oportunidade de ser orixinais no desenvolvemento e/ou aplicación de ideas, a miúdo nun contexto de investigación. • CB2 – Que os/as estudantes saiban aplicar os coñecementos adquiridos e a súa capacidade de resolución a problemas en contornas novas ou pouco coñecidas dentro de contextos máis amplos (ou multidisciplinares) relacionados coa súa área de estudo. • CB3 – Que os/as estudantes sexan capaces de integrar coñecementos e enfrontarse á complexidade de formular xuízos a partir dunha información que, sendo incompleta ou limitada, inclúa reflexións sobre as responsabilidades sociais e éticas vinculadas á aplicación dos seus coñecementos e xuízos. • CB4 – Que os/as estudantes saiban comunicar ás súas conclusións e os coñecementos e razóns últimas que as sustentan a públicos especializados e non especializados, dun modo claro e sen ambigüidades. • CB5 – Que os/as estudantes posúan as habilidades de aprendizaxe que lles permitan continuar estudando dun modo que terá que ser en gran medida auto dirixido ou autónomo.
Competencias Xerais	• CG1 – Aplicar os coñecementos de economía á identificación, previsión e solución dos problemas económicos en xeral, e en particular, os relativos ao nivel de especialización, en contornas novas ou pouco coñecidas. • CG2 – Capacidade de concibir, deseñar e poñer en práctica un proceso substancial de investigación no campo da economía en xeral e ,en particular, nas súas áreas de especialización, con rigor académico. • CG5 – Capacidade para a crítica e a defensa intelectual das solucións propostas. • CG6 – Traballar tanto en equipo como de maneira autónoma nun contexto internacional ou multidisciplinar.

Competencias Específicas	• CE10 – Participar en grupos de traballo interdisciplinarios ligados ao estudo das tendencias socio-económicas de longo prazo. • CE11 – Analizar o papel das institucións públicas na economía a través da regulación de mercados e da implantación de políticas que inciden sobre a actividade empresarial.
Competencias Transversais	• CT4 – Capacidade para interaccionar e defender con rigor, claridade e precisión ante outros especialistas traballos, propostas, novas ideas, etc. • CT5 – Comunicación oral e escrita. • CT8 – Capacidade para traballar nun contexto internacional.
Actividades formativas	Actividades que requiren presenza (aínda que sexa por medios telemáticos): 140 h Actividades para realizar de forma autónoma polos alumnos/as: realización dunha memoria que recolla as actividades desenvolvidas na práctica: 10h
Metodoloxía de ensino	Realización dun traballo dentro dunha empresa para que o/a alumno/a analice e estude problemas da área de economía ou finanzas nos que estean interesados as empresas colaboradoras. O traballo realizado na empresa debe estar relacionado con algún dos métodos de análise económica, financeira, ou cuantitativa, estudados no Máster. As prácticas requiren dun/ha titor/a dentro da empresa e outro/a que ha de ser profesor/a do Máster. Tamén requiren da sinatura do presente convenio no que se faga constar, como mínimo, o nome e dirección da empresa, o nome do/a titor/a e a súa relación coa empresa, o cometido do/a alumno/a e a cantidade de horas que dedicará.
Avaliación	Informe dos/as titores/as: 75 % Memoria de auto avaliación do/a estudante: 25%
Recursos para a aprendizaxe	Os propios da empresa.
Contidos mínimos	Realización de prácticas nunha contorna laboral e profesional ligada a algunha das especialidades do plan de estudos. As prácticas levaranse a cabo baixo a supervisión dun/ha titor/a académico/a e outro/a da empresa ou institución de destino.

PLAN DE PRÁCTICAS CURRICULARES

EMPRESA/INSTITUCIÓN

--

ESTUDANTE

NOME DO/A ESTUDANTE:
DNI:
TITULACIÓN:
CRÉDITOS SUPERADOS:

DETALLE DAS PRÁCTICAS

INICIO DA PRÁCTICA:	FIN DA PRÁCTICA:
HORAS DA PRÁCTICA:	DÍAS DA SEMANA:
CENTRO DONDE SE REALIZARÁ A PRÁCTICA:	
RETRIBUCIÓN AO/Á ALUMNO/A POR PARTE DA EMPRESA OU ENTIDADE:	SI // NON CANTIDADE:
TITOR/A EMPRESA:	
DATOS CONTACTO TITOR/A EMPRESA:	
TITOR/A UNIVERSIDADE:	

DATOS CONTACTO TITOR/A UNIVERSIDADE:
TAREFAS E ACTIVIDADES A REALIZAR POLO/A ESTUDANTE:
OBSERVACIÓNS:

Asinado: TITOR/A EMPRESA	Asinado: TITOR/A UNIVERSIDADE	Asinado: CORDINADOR/A DO MÁSTER NA UNIVERSIDADE NA QUE ESTEA MATRICULADO/A O ALUMNO/A
ASINADO: ALUMNO/A		